

四庫全書

史部

欽定四庫全書

史部

資治通鑑卷

四十八
五十五

詳校官編修_臣范來宗

洗馬_臣王坦修覆勘

總校官知縣_臣楊懋珩

校對官中書_臣孫球

謄錄監生_臣馮省槐

欽定四庫全書

資治通鑑卷四十八

宋 司馬光 撰

胡三省 音註

漢紀四十

起立戰執徐盡旗蒙大荒落凡十四年

孝和皇帝下

永元四年春正月遣大將軍左校尉耿种授於除鞬印

綬校

戶教翻鞬九言翻

使中郎將任尚持節衛護屯伊吾如南單

于故事

任音七

初廬江周崇辟袁安府安舉奏竇景

事見上卷

元及爭立北單于事

見上年

皆榮所具草竇氏客太尉

掾徐謫深惡之

掾俞綽翻謫魚倚翻惡烏路翻

脅榮曰子為袁公腹心

之謀排奏竇氏竇氏悍士刺客滿城中謹備之矣

悍下

又侯

榮曰榮江淮孤生得備宰士

賢曰榮辟司徒府故稱宰士

縱為

竇氏所害誠所甘心因敕妻子

敕戒

若卒遇飛禍

卒讀曰倅

賢曰飛禍言倉卒而死也余謂飛禍者言刺客竊發不可得而備若烏之飛集也

無得殯斂

斂力

贈

冀以區區腐身覺悟朝廷

三月癸丑司徒袁安薨

閏月丁丑以太常丁鴻為司徒

夏四月丙辰竇憲

還至京師

還從宣翻
又如字

六月戊戌朔日有食之丁鴻上

疏曰昔諸呂擅權統嗣幾移

事見高后紀
幾居布翻

哀平之末廟

不血食

事見王莽紀鴻引此
事以指言外戚之禍

故雖有周公之親而無其

德不得行其執也

賢曰言親賢兼
重方可執政

今大將軍雖欲敕身

自約不敢僭差然而天下遠近皆惶怖承旨

怖普
布翻

刺史

二千石初除謁辭求通待報

初除而謁之官則辭求通
者求通名也待報者得謁

與不得謁得辭與
不得辭皆待報也

雖奉符璽受臺敕

符璽所以為信初
除者詣尚書臺受

敕璽斯
氏翻

不敢便去久者至數十日背王室

背蒲
妹翻

向私門

此乃上威損下權盛也人道悖於下效驗見於天雖有

隱謀神照其情垂象見戒以告人君

悖蒲內翻見賢遍翻

禁微則

易

易以鼓翻

救末則難人莫不忽於微細以致其大思不忍

誨義不忍割去事之微未然之明鏡也

言禍伏於隱微人多忽之及發

見之後昭昭而不可掩是為未然之明鏡

夫天不可以不剛不剛則三光不

明王不可以不彊不彊則宰牧從橫

從子用翻又子容翻橫戶孟翻又如

字宜因大變改政匡失以塞天意

塞應則翻

丙辰郡國十

三地震

旱蝗

竇氏父子兄弟並為卿校

卿凡卿校諸校尉校

戶教

充滿朝廷穰侯鄧疊疊弟步兵校尉磊及母元憲

女璿射聲校尉郭舉舉父長樂少府璜共相交結

賢曰太后

居長樂宮故有少府秩二千石樂音洛

元舉並出入禁中舉得幸太后遂

其圖為殺害

謀弑逆也

帝陰知其謀是時憲兄弟專權帝與

內外臣僚莫由親接所與居者閹宦而已

閹宦周禮謂之奄鄭玄注

曰奄精氣蔽藏者今謂之宦人閹衣廉翻又衣檢翻

帝以朝臣上下莫不附憲獨

中常侍鉤盾令鄭眾謹敏有心幾

百官志鉤盾令秩六百石宦者為之典諸

近池苑園遊觀之處屬少府幾事也心幾謂心事也今人謂人胃中有城府者為有心事朝直遙翻盾食尹翻

幾居希翻

不事豪黨遂與衆定議誅憲以憲在外

謂出屯涼州時也

慮其為亂忍而未發會憲與鄧疊皆還京師

還從宣翻又如字

時清河王慶恩遇尤渥

渥厚漬也

常入省宿止

省禁中也

帝將發

其謀欲得外戚傳

賢曰前書外戚傳傳直總翻

懼左右不敢使令慶

私從千乘王求

千乘王仇帝長兄也乘繩證翻

夜獨內之又令慶傳語

鄭衆求索故事

賢曰謂文帝誅薄昭武帝誅竇嬰故事索山客翻

庚申帝幸北

宮詔執金吾五校尉勒兵屯衛南北宮

執金吾掌宮外戒司非常北軍

五校尉主五營士故令勒兵屯衛

閉城門收捕郭璜郭舉鄧疊鄧磊皆

下獄死

下遐
稼翻

遣謁者僕射收憲大將軍印綬更封為冠

軍侯

憲先已封冠軍侯不受今復封以侯就國更居孟

翻與篤景瓌皆就國瓌古
回翻

帝以太后故不欲名誅憲

言不欲
名誅之

為選嚴能相督察

之

偽于
翻

憲篤景到國皆迫令自殺初河南尹張酺數以

正法繩治竇景

酺薄乎翻酺先為魏郡太守郡人鄭據奏竇景罪景遣掾夏猛私謝酺使罪據

子酺收猛繫獄及入為河南尹景家人擊傷市卒吏捕得之景怒遣緹騎侯海毆傷市丞酺部吏楊章窮究正

海罪徙朔方數所
角翻治直之翻

及竇氏敗酺上疏曰方憲等寵貴羣

臣阿附唯恐不及皆言憲受顧命之託懷伊呂之忠至

必不完免宜裁加貸宥以崇厚德帝感其言由是環獨

得全竇氏宗族賓客以憲為官者皆免歸故郡初班固

奴嘗醉罵洛陽令种兢

姓譜种本仲氏避難改焉

兢因逮考竇氏實

客收捕固死獄中固嘗著漢書尚未就詔固女弟曹壽

妻昭踵而成之

昭即曹大家也

華嶠論曰固之序事不激詭不抑抗

賢曰激揚也詭毀也抑退也抗

進也余謂激詭抑抗皆指史家作意以為文之病華戶化翻

瞻而不穢詳而有體

使讀之者疊疊而不厭

爾雅曰疊疊猶勉勉也音無匪翻

信哉其能

成名也固譏司馬遷是非頗謬於聖人

賢曰言遷所是非與聖人

乖謬即崇黃老而薄六經輕仁義而賤守節是也

然其論議常排死節

謂言龍勝

竟夫天年之類

否正直

謂言王陵汲黯之類

而不叙殺身成仁之為

美

謂不立忠義傳

則輕仁義賤守節甚矣

初竇憲納妻天下郡國皆有禮慶漢中郡亦當遣吏

漢中

郡在洛陽西卜九百九十里

戶曹李邵

郡有戶曹主民戶祠祀農桑邵蜀閬中人

諫曰竇

將軍椒房之親不修德禮而專權驕恣危亡之禍可翹

足而待

翹舉也

願明府一心王室勿與交通太守固遣之

卻不能止請求自行許之卻遂所在遲留以觀其變行

至扶風

其縣治民東都之後扶風出治槐里馮翊出治

高陵而憲就國凡交通者皆坐免官漢中太守獨不與焉

與請曰帝賜清河王慶奴婢與馬錢帛珍寶充牣其第慶

或時不安帝朝夕問訊進膳藥所以垂意甚備慶亦小

心恭孝自以廢黜尤畏事慎法故能保其寵祿焉帝

除東安子賞為郎任隗子屯為步兵校尉

以安隗守正不附竇氏也

任音七隗五罪翻

鄭眾遷大長秋

百官志大長秋秩二千石承秦將行景帝更為大長秋或

用上人中興常用宦者職掌奉宣中宮命凡給賜宗親及宗親當謁見者開通之中宮出則從張晏曰皇后卿師古曰秋者收成之時長者帝策勲班賞衆每辭多受恒久之義故以為皇后官名帝策勲班賞衆每辭多受少帝由是賢之常與之議論政事宦官用權自此始矣

秋七月己丑太尉宋由以竇氏黨策免自殺八月

辛亥司空任隗薨癸丑以大司農尹睦為太尉太傅

鄧彪以老病上還樞機職

上時掌翻尚書樞機之職鄧彪錄尚書事

詔許焉

以睦代彪錄尚書事冬十月以宗正劉方為司空

武陵零陵禮中蠻叛護羌校尉鄧訓卒吏民羌胡旦

夕臨者日數千人

臨力也
翻哭也

羗胡或以刀自割又刺殺其

犬馬牛羊

刺七逆
又七四翻

曰鄧使君已死我曹亦俱死耳前

烏桓吏士皆奔走道路

賢曰訓前任烏桓
校尉時吏士也

至空城郭吏

執不聽以狀白校尉徐儁

儁為烏桓校尉
儁於建翻

儁歎息曰此

為義也乃釋之遂家家為訓立祠

為于儁
翻下同

每有疾病輒

請禱求福蜀郡太守聶尚代訓為護羗校尉欲以恩懷

諸羗乃遣譯使招呼迷唐使還居大小榆谷

迷唐去大
小榆谷事

見上卷章和二年鄧訓驅逐迷唐而聶尚招呼
之欲以反鄧訓之政也聶曉輒翻使疏吏翻

迷唐既

還遣祖母卑缺詣尚

卑缺益迷
吾之母

尚自送至塞下為設祖

道令譯田泥等五人護送至廬落迷唐遂反與諸種共

生屠裂泥等以血盟詛

種章勇翻泥詳
里翻詛莊助翻

復寇金城塞

復扶

又翻尚坐免

五年春正月乙亥宗祀明堂登靈臺赦天下 戊子十

東貞王伉薨

謚法臣謚直道不抗曰貞事君無猜曰貞
清白守節曰貞周節幹事曰貞伉音抗

辛卯封皇弟萬歲為廣宗王

廣宗縣屬鉅鹿郡賢曰
今貝州宗城縣隋煬帝

諱廣故改
為宗城

甲寅太傅鄧彪薨 戊午隴西地震 夏

四月壬子紹封阜陵殤王兄魴為阜陵王

謚法未家短折曰殤阜陵

殤王冲質王延之子元年嗣封三年薨無嗣令以魴紹封魴符方翻

九月辛酉廣宗殤

王萬歲薨無子國除

初竇憲既立於除鞬為北單于

欲輔歸北庭

事見上卷三年鞬居言翻

會憲誅而止於除鞬自畔還

北詔遣將兵長史王輔以千餘騎與任尚共追討斬之

破滅其衆

耿夔之破北匈奴也

事見上卷三年

鮮卑因此轉

徙據其地

拓跋氏自北荒南徙蓋此時也

匈奴餘種留者尚有十餘萬

落

種章勇翻

皆自號鮮卑鮮卑由此漸盛

冬十月辛未太

尉尹睦薨 十一月乙丑太僕張酺為太尉酺與尚書

張敏等奏射聲校尉曹褒擅制漢禮破亂聖術宜加刑

誅書凡五奏帝知酺守學不通言守其家學也雖寢其奏而漢

禮遂不行褒制禮事見上卷章帝章和元年是歲武陵郡兵破叛蠻

降之降戶江翻梁王暢與從官下忌祠祭求福姓譜卞本自有周曹

叔振鐸之後曹之支子封於卞遂以建族余按魯有下莊子楚有卞和忌等諂媚云神言

王當為天子暢與相應答為有司所奏請徵詣詔獄帝

不許但削成武單父二縣成武單父二縣本屬山陽後屬濟陰章帝以益梁國賢曰

成武今曹州縣單父今宋州縣單音善暢慙懼上疏深自刺責曰臣天性

狂愚不知防禁自陷死罪分伏顯誅分扶問翻陛下聖德枉

法曲平賢曰曲平曲法橫赦貸臣為臣受汙橫胡孟翻汙惡也天

下以赦暢為納汙是為暢受汙為于偽翻臣知大貸不可再得自誓束身約

妻子不敢復出入失繩墨不敢復有所橫費橫戶孟翻復扶又翻

租入有餘乞裁食睢陽穀熟虞蒙寧陵五縣還餘所食

四縣四縣下邑尉氏薄郵也睢音雖臣暢小妻三十七人凡非正室者皆小妻也

其無子者願還本家自選擇謹敕奴婢二百人其餘所

受虎賁官騎及諸工技鼓吹倉頭奴婢兵弩廐馬皆上

還本署

虎賁士屬虎賁中郎將官騎駟騎也漢官儀曰駟騎王家名官騎與廐馬皆屬太僕工技屬尚

方鼓吹屬黃門倉頭奴婢屬永巷御府奚官等令兵弩屬考工令各有本署也賁音奔技渠綺翻吹昌瑞翻上

時掌

臣暢以骨肉近親亂聖化汗清流汗鳥故翻既得生活

誠無心面目以凶惡復居大宮食大國張官屬藏什物

賢曰古者師行二五為什食器之類必共之故曰願陞什物食具今人通謂生生之具為什物復扶又翻

下加恩開許上優詔不聽

護羗校尉貫友

貫姓也漢初有趙相

高遣譯使構離諸羗誘以財貨由是解散

使疏吏翻誘音酉

乃

遣兵出塞攻迷唐於大小榆谷獲首虜八百餘人收麥

數萬斛遂夾逢留大河築城塢

此大河即黃河河水至此有逢留之名在二榆

谷作大航造河橋欲度兵擊迷唐

鄜道元水經注曰於河狹作橋航戶剛翻

迷唐率部落遠徙依賜支河曲

西羗傳賜支者禹貢所謂析支者也羗居河關

之西南濱於賜支至於河首縣地千里司馬彪曰西羗自析支以西濱河首在右居也河水屈而東北流逕於析支之地是為河曲矣應劭曰禹貢析支屬雍州在河關之西東去河關千餘里羗人所居謂之河曲羗

單于叱屠何死單于宣弟安國立安國初為左賢王無稱譽及為單于單于適之子右谷蠡王師子以次轉為

左賢王

谷音鹿蘇
廣多翻

師子素勇黠多

黠下入翻
古智字通

前單

于宣及屯屠何皆愛其氣決數遣將兵出塞

數所角
下同掩

擊北庭還受賞賜天子亦加殊異由是國中盡敬師子

而不附安國安國欲殺之諸新降胡初在塞外數為師

子所驅掠

在塞外謂先屬北
部時降戶江翻

多怨之安國委計降者與

同謀議師子覺其謀乃別居五原界每龍庭會議

匈奴
龍庭

本在塞外是時南單于居
塞內亦謂所居為龍庭

師子輒稱病不往度遼將軍

皇甫稜知之亦擁護不遣單于懷憤益甚

六年春正月皇甫稜免以執金吾朱徽行度遼將軍時

單于與中郎將杜崇不相平乃上書告崇崇諷西河太

守令斷單于章

中郎將使匈奴中郎將也斷音短單于居西河美稷故諷令太守斷其章使不

上聞單于無由自聞崇因與朱徽上言南單于安國疎遠

故胡親近新降

遠于願翻近其斬翻降戶江翻

欲殺左賢王師子及左

臺且渠劉利等又右部降者謀共迫脅安國起兵背畔

且子余翻背蒲昧翻

請西河上郡安定為之儆備帝下公卿議

下

稼皆以為蠻夷反覆雖難測知然大兵聚會必未敢動

搖今宜遣有方略使者之單于庭

之往也使疏吏翻

與杜崇朱

徽及西河太守并力觀其動靜如無他變可令崇等就

安國會其左右大臣責其部衆橫暴為邊害者共平罪

誅

相與平處其罪當誅者則誅之橫戶孟翻

若不從命令為權時方略事畢

之後裁行賞賜

賢曰裁量賜物不多與也

亦足以威示百蠻於是徽

崇遂發兵造其庭

造七到翻

安國夜聞漢軍至大驚棄帳而

去

帳單于所居即謂之穹廬又謂之廬帳

因舉兵欲誅師子師子先知乃

悉將廬落入曼柏城

曼柏縣屬五原郡

安國追到城下門閉不

得入朱徽遣吏譬和之安國不聽城既不下乃引兵屯

五原崇徽因發諸郡騎追赴之急衆皆大恐安國舅骨

都侯喜為等慮并被誅乃格殺安國

被皮義翻

考異

今從南匈奴傳

立師子為亭獨尸逐侯鞬單于

鞬丁奚翻

己卯司

徒丁鴻薨二月丁未以司空劉方為司徒太常張奮

為司空夏五月城陽懷王淑薨無子國除秋七月

京師旱西域都護班超發龜茲鄯善等八國兵合七

萬餘人

龜茲音丘慈鄯上肩翻

討焉耆到其城下誘焉耆王廣尉

犂王汎等於陳睦故城斬之傳首京師

誘音酉
曰衣紀汎作汎
考異

今從因縱兵鈔掠鈔楚交翻斬首五千餘級獲生口萬五千

人更立焉耆左侯元孟為焉耆王

焉耆國有左右將
左右侯更工衛翻超

留焉耆半歲慰撫之於是西域五十餘國悉納質內屬

至於海濱

西海之濱也所謂條支大秦
蒙古飛勒諸國也質音致

四萬里外皆重

譯貢獻

重直龍翻班超所以成西域之功
者以匈奴衰困力不能及西域也

南單于師

子立降胡五六百人夜襲師子

降戶江翻安集掾王怙將衛

護士與戰破之

使匈奴中郎將置掾隨事為負安集掾
以安集匈奴為稱也光武在河北亦置

安集掾以天下未定使之安集斯民也建武二十六年使匈奴中郎將置安集掾史將弛刑五十人持兵臂隨單于所處參辭訟於是降胡遂相驚動十五部二十餘蔡勣靜掾俞綰翻

萬人皆反脅立前單于屯屠何子莫鞮日逐王逢侯為

單于

鞮當作鞮賢曰前鞮鞮兩字通今不改亦可莫於六翻鞮九言翻

遂殺略吏民燔

燒郵亭廬帳將車重向朔方欲度幕北

郵音尤重直用翻九月

癸丑以光祿勳鄧鴻行車騎將軍事與越騎校尉馮柱

行度遼將軍朱徽將左右羽林北軍五校士及郡國迹

射緣邊兵

賢曰漢有迹射士言尋迹而射也

烏桓校尉仕尚將烏桓鮮

卑合四萬人討之時南單于及中郎將杜崇屯牧師城

漢邊郡有牧師苑以養馬此牧師苑城也當在西河郡美稷縣界

逢侯將萬餘騎攻圍

之冬十一月鄧鴻等至美稷逢侯乃解圍去向滿夷谷

南單于遣子將萬騎及杜崇所領四千騎與鄧鴻等追

擊逢侯於大城塞

大城縣故屬西河郡郡國志屬朔方郡

斬首四千餘級

仕尚率鮮卑烏桓要擊逢侯於滿夷谷

要一遙翻

復大破之

復扶又翻下同

前後凡斬萬七千餘級逢侯遂率衆出塞漢兵

不能追而還

還從宣翻又如字

以大司農陳寵為廷尉寵性

仁矜數議疑獄

數所角翻

每附經典務從寬恕刺敝之風於

此少哀

少詩治翻

帝以尚書令江夏黃香為東郡太守香辭

以典郡從政才非所宜乞留備冗官

冗而隳翻散也

賜以督責

小職任之宮臺煩事

宮謂宮中臺謂尚書臺也尚書出納王命故云宮臺煩事

帝乃

復留香為尚書令增秩二千石

按百官志尚書令秩千石今特增秩二千石以

香在尚書日久又辭不拜郡故復留為尚書令而祿以郡守祿

甚見親重香亦祇勤物

務憂公如家

七年春正月鄧鴻等軍還馮柱將虎牙營留屯五原鴻

坐逗留失利下獄死後帝知朱徽杜崇失胡和又禁其

上書以致胡反皆徵下獄死

下遐
稼翻

夏四月辛亥朔日

有食之

秋七月乙巳易陽地裂

余按地理志及郡國志馬陽縣屬趙國應

劭曰易水出涿郡故安師古及賢皆曰縣在易水之陽此時承應劭之誤也易水在燕南界漢屬河間郡界此

時趙國僅有唐邢洺二州之地安得有屬縣遠在易水之陽邢五代史志洺州臨洺縣舊曰易陽後齊廢入襄

國縣後周改為易陽縣別置襄國縣隋開皇六年改易陽縣為邢鄴縣十年改邢鄴縣為臨洺而別置邢鄴縣

由是觀之漢易陽縣當在邢鄴襄國二縣之間

九月癸卯京師地震 樂成

王黨坐賊殺人削東光鄆二縣

東光縣本屬勃海郡鄆縣本屬鉅鹿郡章帝以

蓋樂成國鄣音羌克翻舊禁宮人出嫁不得適諸國有
故掖庭技人哀置嫁男子章初黨召入宮與通初欲上
書告之黨昭哀
置財昭殺初

八年春二月立貴人陰氏為皇后后識之曾孫也夏

四月樂成靖王黨薨子哀王崇立尋薨無子國除五

月河內陳留蝗南匈奴右溫禺犢王烏居戰畔出塞

晉曰溫禺犢王名烏居戰秋七月度遼將軍龐奮越騎校尉馮柱追

擊破之徙其餘衆及諸降胡二萬餘人於安定北地

安定

郡在雒陽西千七百里北車師後部王涿鞬反擊前王

地郡在雒陽西千一百里

尉畢大獲其妻子

尉畢大西域傳作尉畢大時戊巳校尉索願欲廢後部王涿鞬涿鞬惡前

王尉畢大賣巳因反

九月京師蝗

冬十月乙丑北

海王威以非敬王子又坐誹謗自殺

十二月辛亥陳

敬王羨薨

丁巳南宮宣室殿火

護菴校尉賈友卒

以漢陽太守史充代之充至遂發湟中羗胡出塞擊迷

唐迷唐迎敗充兵

取補適翻

殺數百人充坐徵以代郡太守

吳祉代之

九年春三月庚辰隴西地震

癸巳濟南安王康薨

諡法

好和不爭曰安寬裕
和平曰安濟子禮翻

西域長史王林擊車師後王斬

之後王
源鞬

夏四月丁卯封樂成王黨子巡為樂成王

五月封皇后父屯騎校尉陰綱為吳房侯

郡國志吳房縣屬汝南郡

有棠谿亭左傳房國楚靈王所滅又楚昭王封吳王夫概于棠谿地道記有吳城吳房蓋合吳城房國以名縣
也以特進就第 六月旱蝗 秋八月鮮卑寇肥如遼

東太守祭參坐沮敗下獄死

賢曰肥如縣屬遼西郡前書音義曰肥子奔燕封於

此今平州也按祭彤傳參守遼東鮮卑入郡界參生沮敗下獄死蓋寇遼西之肥如遂入遼東郡界也沮在呂
閏月辛巳皇太后竇氏崩初梁貴人既死事見四十六卷

章帝建初八年宮省事秘莫有知帝為梁氏出者舞陰公主

梁扈遣從兄禮奏記三府

扈梁松子也帝母梁貴人少失母為伯母舞陰公主所養

從才用翻賢曰禮占禪字以為漢家舊典崇貴母氏而梁貴人親育

聖躬不蒙尊號求得中議

賢曰求中理而議之也

太尉張酺言狀

帝感慟良久曰

毛晃曰良頗也良久頗久也或曰良久少久也一日良畧也聲輕故轉畧為良

慟徒弄翻大

於君意若何酺請追上尊號存錄諸舅

錄

也收

帝從之會貴人姊南陽樊調妻

慝

慝音於計翻考異曰素紀慝

皆作慝今從皇

上書自訟曰妾父竦冤死牢獄骸骨不

后紀梁竦傳

掩母氏年踰七十及弟棠等遠在絕域不知死生願乞

收竦朽骨使母弟得歸本郡帝引見慙乃知貴人枉殺

之狀三公上奏請依光武黜呂太后故事

事見四十五卷光武中元

元年按此事乃光武之失而可引之為典故乎

貶竇太后尊號不宜合葬先帝

百官亦多上言者帝手詔曰竇氏雖不遵法度而太后

常自減損朕奉事十年

自嗣位至是十年

深惟大義

惟思也禮臣

子無貶尊上之文恩不忍離義不忍虧案前世上官太

后亦無降黜

謂上官桀父子誅不累及上官后其勿復也事見二十二卷昭帝元鳳元年

議

復扶又翻

丙申葬章德皇后

燒唐羗迷唐率衆八千人

寇隴西脅塞內諸種羗合步騎三萬人擊破隴西兵殺

大夏長

大夏縣屬隴西郡宋白曰今大夏縣屬河州夏戶雅翻種章勇翻長知兩翻

詔遣行

征西將軍劉尚越騎校尉趙世副之

以趙世副劉尚也考異曰西羗傳

作趙代今從帝紀余謂唐太宗諱世民賢注范史偶檢點及此遂改世為代耳

將漢兵羗胡

共三萬人討之尚屯狄道世屯枹罕

狄道枹罕二縣皆屬隴西郡宋白曰

狄道縣屬蘭州枹罕縣河州治所枹音膚

尚遣司馬寇盱監諸郡兵四面並

會

監古衛翻

迷唐懼棄老弱奔入臨洮南

奔入臨洮南山也

尚等追

至高山大破之斬虜千餘人迷唐引去漢兵死傷亦多

不能復追

復扶又翻

乃還

九月庚申司徒劉方策免自殺

甲子追尊梁貴人為皇太后后諡曰恭懷追復喪制冬

十月乙酉改葬梁太后及其姊大貴人於西陵

西陵蓋以其地

在敬陵之西故稱西陵猶薄太后陵在霸陵南因謂之南陵也賢曰初后葬有闕故改葬

擢樊調為

羽林左監追封謚皇太后父竦為褒親愍侯

謚法在國逢難曰愍

遣使迎其喪葬於恭懷皇后陵旁徵還竦妻子封子棠

為樂平侯

樂平侯國屬東郡故清縣也章帝更名

棠弟雍為乘氏侯

乘氏侯國

屬濟陰郡春秋之東丘也東鄉證翻

雍弟翟為單父侯

單父音善甫

位皆將進

賞賜以巨萬計寵遇光於當世梁氏自此盛矣清河王

慶始敢求上母宋貴人冢

宋貴人冢在雒陽城北樊濯聚上時掌翻

帝許之

詔太官四時給祭具慶垂涕曰生雖不獲供養

供俱用翻養半

尚終當奉祭祀私願足矣欲求作祠堂恐有自同恭懷

梁后之嫌遂不敢言常泣向左右以為沒齒之恨

齒年也

後上言外祖母王年老乞詣雒陽療疾於是詔宋氏悉

歸京師

宋氏歸故郡事見四十卷章帝建初七年

除慶舅衍俊蓋暹等皆

為郎 十一月癸卯以光祿勳河南呂蓋為司徒 十

二月丙寅司空張奮罷壬申以太僕韓稜為司空 西

域都護定遠侯班超遣掾甘英使大秦條支東觀記曰以漢中郡

南鄭縣之西鄉千戶封超為定遠侯賢曰定遠故城在今洋州西鄉縣南西域傳曰自皮山西南經烏托涉懸

度歷屬賓六十餘日行至烏弋山離國復西南馬行百餘日至條支條支臨西海海水曲環其南及東北三面

路絕唯西北隅通陸道大秦國西漢之犂靬也在西海西其人民長大平正有類中國故謂之大秦今拂菻國

是也掾俞綰翻使疏吏翻窮西海皆前世所不至莫不備其風土傳

其珍怪焉及安息西界自條支轉北而東馬臨大海欲行六十餘日至安息

度船人謂英曰海水廣大往來者逢善風

善風謂順風也

三月

乃得度若遇遲風亦有二歲者故入海人皆齎三歲糧

海中善使人思土戀慕數有死亡者

數所角翻

英乃止

十年夏五月京師大水 秋七月己巳司空韓稜薨八

月丙子以太常太山巢堪為司空 冬十月五州雨水

行征西將軍劉尚越騎校尉趙世坐畏懦徵下獄免

謁者王信領尚營屯枹罕謁者耿譚領世營屯白石

白石

縣本屬金城郡時屬隴西郡水經注白石川水南逕白石城西而注離水水又逕白石縣故城南關駟曰白石

縣在狄道縣西北二百八十五里賢曰白石山在今蘭州或曰河州鳳林縣本漢白石縣張駿改為永固唐為烏州後廢州置安昌縣後又更名鳳林杜佑曰直道縣有白石山譚乃設購賞諸種頗

來內附迷唐恐乃請降信譚遂受降罷兵十二月迷唐

等帥種人詣闕貢獻

帥讀曰率
種章勇翻

戊寅梁節王暢薨

初居巢侯劉般薨

居巢縣屬廬江郡
般建初三年薨

子愷當嗣稱父遺

意讓其弟憲遁逃久之有司奏絕愷國肅宗美其義特

優假之愷猶不出積十餘歲有司復奏之

復扶
又翻

侍中賈

逵上書曰孔子稱能以禮讓為國乎何有

見論
語

有司不

原樂善之心

樂音洛

而繩以循常之法懼非長克讓之風

成含弘之化也

長知兩制

帝納之下詔曰王法崇善成人之

美其聽憲嗣爵遭事之宜後不得以為比乃徵憶拜為

郎南單于師子死單于長之子檀立為萬民尸逐鞬

單于

十一年夏四月丙寅赦天下

帝因朝會召見諸儒

直朝

通翻見
賢通翻

使中大夫魯丕與侍中賈逵尚書令黃香等相

難數事

難乃只翻以經
疑相難也下同

帝善丕說罷朝特賜衣冠丕因

上疏曰臣聞說經者傳先師之言非從已出不得相讓

相讓則道不明若規矩權衡之不可枉也

賢曰規圓也矩方也權秤

鍾衡秤衡也

難者必明其據說者務立其義

漢儒專門名家各守師說故發

難者必明其師之說以為據答難者亦必務立大義以中其師之說

浮華無用之言不陳

於前故精思不勞而道術愈章

章明也思相吏翻

法異者各令

自說師法博觀其義無令芻蕘以言得罪

自比於芻蕘謙也芻如招

翻幽遠獨有遺失也

十二年夏四月戊辰秬歸山崩

賢曰秬歸縣屬南郡古之夔國今歸州也袁山

松曰屈原此縣人既被流放忽然變歸其地亦來因名其地為神歸神亦神也音蔣兒翻

秋七月

辛亥朔日有食之

九月戊午太尉張酺免

丙寅以

大司農張禹為太尉

燒當羗豪迷唐既入朝其餘種

人不滿二千飢窘不立

不能自立也種章勇翻下同

入居金城帝令

迷唐將其種人還大小榆谷迷唐以漢作河橋

即五年費反所

作之橋

兵來無常故地不可復居

復扶又翻下同

辭以種人飢餓

不肯遠出護羗校尉吳祉等多賜迷唐金帛令糴穀市

畜

畜許又翻

促使出塞種人更懷猜驚是歲迷唐復叛脅將

湟中諸胡寇鈔而去

鈔楚交翻

王信耿譚吳祉皆坐徵

十三年秋八月己亥北宮盛饌門閣火

盛饌門閣御周門閣也晉書天

文志曰紫宮垣西南角外二星內二星口內廚主六宮之內飲食后妃夫人與太子宴飲東北維外六星曰天

廚主盛饌皇居則象於天極故北宮有盛饌門閣

迷唐復還賜支河曲將兵

向塞護羗校尉周鮪與金城太守侯霸

金城郡在洛陽西二千八百里

鮪于軌翻

及諸郡兵屬國羗胡合三萬人至允川

水經注曰允川去賜

支河曲數十里在大榆谷之西

侯霸擊破迷唐種人无解降者六千

餘口

種章勇翻降戶江翻

分徙漢陽安定隴西迷唐遂弱遠踰賜

支河首依發菴居

發菴菴之別種或曰唐之吐蕃即其後也

久之病死其子

來降戶不滿數十

荊州雨水

冬十一月丙辰詔曰

幽并涼州戶口率少

幽州部涿郡廣陽代郡上谷漁陽右北平遼西遼東玄菟樂浪等郡

并州部上黨太原上郡西河五原雲中定襄鴈門朔方等郡幽州大郡戶猶十萬餘唯玄菟戶一千五百二十

四并州大郡三萬餘小郡不滿二千涼州大郡不滿三萬燉煌七百四十八而已少詩沼翻

邊役衆

劇束脩良吏進仕路狹

束脩謂束髮自脩者也

撫接夷狄以人為

本其令緣邊郡口十萬以上歲舉孝廉一人不滿十萬

二歲舉一人五萬以下三歲舉一人

鮮卑寇右北平

右北平郡在雒陽
北二千三百里
遂入漁陽漁陽太守擊破之
戊辰

司徒呂蓋以老病致仕
巫蠻許聖以郡收稅不均怨

恨遂反
賢曰巫縣屬南郡故城在今夔州巫山縣
辛卯寇南郡

十四年春安定降羗燒何種反
燒當與燒何各是一郡種章勇翻下同

兵擊滅之時西海及大小榆谷左右無復羗寇
水經河水自東

河曲逕西海郡南又東逕允川而歷大小榆谷北復扶又翻
隃麋相曹鳳上言
隃麋侯國

屬右扶風隃音踰隃音眉賢曰隃隃故城在今隴州汧陽縣東南
自建武以來西羗犯

法者常從燒當種起所以然者以其居大小榆谷土地

肥美有西海魚鹽之利

西海有允谷鹽池

阻大河以為固又近

塞諸種易以為非

易以

難以攻伐故能彊大常雄諸種

恃其拳勇

詩云無拳無勇毛衰注云拳力也

招誘羗胡令者衰困黨援

壞沮

誘音沮在呂翻

亡逃棲竄遠依發羗臣愚以為宜及此

時建復西海郡縣

建立也立策復置郡縣也置西海郡見三十六卷平帝元始四年規

固二榆

規圖也訓也

廣設屯田隔塞羗胡交關之路

塞患則翻遏

絕狂狡窺欲之源又殖穀富邊省委輸之役

委於偏翻輸春遇翻

國家可以無西方之憂上從之繕修故西海郡徙金城

西部都尉以戍之

孟康曰金城西部都尉府在金城縣

拜鳳為金城西部

都尉屯龍耆

賢曰龍耆即龍支也今鄯州縣宋白曰鄯州龍支縣本漢允吾縣也取縣西龍支堆

為名後增廣屯田列屯夾河合三十四部其功垂立會永

初中諸羗叛乃罷 三月戊辰臨辟雍饗射赦天下

夏四月遣使者督荊州兵萬餘人分道討巫蠻許聖等

大破之聖等乞降悉徙置江夏

晉宋之荊州蠻分居沔中西陽者即巫蠻之餘

種也降戶江翻

陰皇后多妬忌寵遇浸衰數懷恚恨

數所角翻恚衣

避翻后外祖母鄧朱出入宮掖有言后與朱共挾巫蠱道

者賢曰巫師為蠱故曰巫蠱左傳注曰蠱惑也

帝使中常侍張慎與尚書陳

褒案之劾以大逆無道

劾戶縣翻又戶得翻

朱二子奉毅后弟輔

皆考死獄中六月辛卯后坐廢遷于桐宮以憂死父特

進綱自殺后弟軼敞及朱家屬徙日南比景

日南郡秦象郡也武

帝更名在雒陽南萬三千四百里比景縣屬焉如淳曰日中於頭上景在已下故名之師古曰日南言其在日之南所謂開北戶以向日者軼音逸

秋七月壬子常山殤王側薨無子

立其兄防子侯章為常山王

防子縣屬常山國

三州大水

班超久在絕域

超始出西域見四十五年

年老思土上書

乞歸曰臣不敢望到酒泉郡但願生入玉門關

酒泉郡在雒陽

西四千七百里賢曰玉門關屬燉煌郡今沙州也去長安三千六百里關在燉煌縣西北酒泉郡今肅州也去

長安二千里百五十里

謹遣子勇隨安息獻物入塞及臣生在令

勇目見中土朝廷久之未報超妹曹大家

超妹昭嫁扶風曹壽博學

高才有節行法度帝數召入宮令皇后諸貴人師事焉號曰大家家令人相傳讀曰姑又據皇后紀冲帝母虞

貴人梁冀秉政抑而不加爵號但稱大家而已則大家者宮中相尊之稱也

上書曰蠻夷之

性悖逆侮老

悖蒲內翻又蒲沒翻

而超旦暮入地久不見代恐開

姦宄之原生逆亂之心而卿大夫咸懷一切莫肯遠慮

如有卒暴

卒讀曰猝下同

超之氣力不能從心便為上損國家

累世之功下棄忠臣竭力之用誠可痛也故超萬里歸

誠自陳苦急延頸踰望

賢曰踰遙也高祖踰謂黥布曰何若而反余按前書當作踰讀

曰遙傳寫誤作踰

三年於今未蒙省錄省悉景翻妄竊聞古者十五

受兵六十還之

賢曰周禮鄉大夫職曰國中七尺以及六十有五皆征之征謂賦稅從征役也

韓詩外傳曰二十行役六十免役與周禮國中同即知一與周禮七尺同禮國中六十免役野即六十有五晚

於國中五年國中七尺從役野六尺即是野又早於國中五年七尺謂二十六尺即十五也此言十五受兵據

野外為言六十還之據國中為說也

亦有休息不任職也

任音主

故妄敢觸

死為超求哀旬超餘年

為于偽翻賢曰旬乞也

一得生還復見闕

庭使國家無勞遠之慮西域無倉卒之憂超得長蒙文

王葬骨之恩

新序曰周文王作靈臺掘地得死人之骨王曰更葬之吏曰此無王矣文王曰有天子

下者天下之主也有一國者一國之主也寡人尚其主又安求之主遂更葬之天下皆曰文王賢矣澤及朽骨而況於人乎

子方哀老之惠

賢曰田子方魏文侯之師也見君之老馬棄之曰少盡其力老

而棄之非仁也於是收而養之

帝感其言乃徵超還八月超至雒陽拜

為射聲校尉九月卒

考異曰本傳稱超十二年上疏十四年至雒陽而妹昭上書曰延

頸踰望三年於今注引東觀記曰安息遣使獻大雀師子超遣子勇隨入塞按帝紀十三年安息國入貢表紀

載超書亦在十三年今并置其書於超之被徵被皮以義翻

此表紀又云超到數月薨今從本傳超曰君侯在外國三十

戊巳校尉任尚代為都護尚謂超曰君侯在外國三十

餘年而小人猥承君後任重慮淺宜有以誨之超曰年

數所角翻

老失智君數當大位

豈班超所能及哉必不得已

願進愚言塞外吏士本非孝子順孫皆以罪過徙補邊

易以政翻

屯而蠻夷懷鳥獸之心難養易敗

今君性嚴急水

家語孔子曰水至清則無魚人至察則無徒

宜蕩

清無大魚察政不得下和

易以政翻

寬小過總大綱而已超去尚私謂所親曰

我以班君當有奇策今所言平平耳尚後竟失邊和如

趙所言

為任尚徵還漢
失西域張本

初太傅鄧禹嘗謂人曰吾將

百萬之衆未嘗妄殺一人後世必有興者其子護羗校

尉訓有女曰綏性孝友好書傳

好呼到翻
傳柱戀翻

常晝脩婦業

暮誦經典家人號曰諸生叔父陝曰嘗聞活千人者子

孫有封兄訓為謁者使修石臼河歲活數千人

陝柯間
翻石臼

河事見四十六卷
章帝建初三年

天道可信家必蒙福綏後選入宮為

貴人恭肅小心動有法度承事陰后接撫同列常克已

以下之

謂克去有己之私不欲上人也下遐稼翻

雖宮人隸役皆加恩借

既有

以思之又假借以辭色

帝深嘉焉嘗有疾帝特令其母兄弟入親

醫藥不限以日數貴人辭曰宮禁至重而使外舍久在

內省

外舍猶言外家內省猶言內禁也

上令陛下有私幸之譏

私幸謂私於所

幸下使賤妾獲不知足之謗上下交損

謂交有所損

誠不願

也帝曰人皆以數入為榮

數所角翻下同

貴人反以為憂邪每

有讌會諸姬競自脩飾貴人獨尚質素其衣有與陰后

同色者即時解易若並時進見

見聞通翻下同

則不敢正坐離

立賢曰離並也禮記曰離生離立行則僂身自卑僂力主翻俯也帝每有所問

常逡巡後對不敢先后言先患薦翻陰后短小舉指時失儀

左右掩口而笑貴人獨愴然不樂為之隱諱若已之失

樂音洛為于偽翻帝知貴人勞心曲體歎曰脩德之勞乃如是

乎後陰后寵衰貴人每當御見御進也見賢遍翻輒辭以疾時

帝數失皇子貴人憂繼嗣不廣數選進才人以博帝意

西漢宮中爵號有美人良人若才人蓋東都所置也博廣也陰后見貴人德稱日盛

稱尺證翻深疾之疾與嫉同妬也帝嘗寢病危甚陰后密言我得意

不令鄧氏復有遺類

復扶又翻

貴人聞之流涕言曰我竭誠

盡心以事皇后竟不為所祐令我當從死

從才用翻

上以報

帝之恩中以解宗族之禍下不令陰氏有人豕之譏

人豕

即人豕事見十二卷惠帝元年

即欲飲藥宮人趙王者固禁止之因詐

言屬有使來

屬之欲翻會也使疏吏翻

上疾已愈貴人乃止明日上

果瘳

瘳止留翻

及陰后之廢貴人請救不能得帝欲以貴人

為皇后貴人愈稱疾篤深自閉絕冬十月辛卯詔立貴

人鄧氏為皇后后辭讓不得已然後即位郡國貢獻悉

令禁絕

漢郡國貢獻進御之外別上皇后宮

歲時但供紙墨而已

毛晃曰楷籍不

知所始後漢蔡倫以魚網木皮為紙俗以為紙始於倫非也案前書外戚傳已有赫蹏紙矣墨膠燥以為之

帝每欲官爵鄧氏后輒哀請謙讓故凡騰終帝世不過

虎賁中郎將

騰職日劾賢曰東觀記騰音陟

丁酉司空巢堪罷十

一月癸卯以大司農沛國徐防為司空防上疏以為漢

立博士十有四家

漢官儀曰光武中興恢弘稽古易有施孟梁丘賀京房書有歐陽和伯夏

侯勝建詩有中公轅固韓嬰春秋有嚴彭祖顏安樂禮有戴德戴聖凡十四博士設甲乙之科

前書博士弟子歲課甲科四十人為郎中乙科以勉勸二十人為太子舍人丙科四十人為文學掌故

學者伏見太學試博士弟子皆以意說不修家法

賢曰諸經

為業各名家私相容隱開生姦路每有策試

策編簡也策試即射策也漢書

音義曰作簡策難問列置案上在試者意投射取而答之謂之射策

輒興諍訟爭同論

議紛錯互相是非孔子稱述而不作

見論語賢曰祖述先聖之言不自制

作又曰吾猶及史之闕文

亦見論語賢曰古者史官於書所有不知則闕以待能者

孔子言吾少時猶及見古史官之闕文今則無之疾時多穿鑿也

今不依章句妄生穿

鑿以遵師為非義意說為得理

意說者創意而為之說

輕侮道術

浸以成俗誠非詔書實選本意改薄從忠三代常道

賢曰

太史公曰夏之政忠忠之敝小人以野故殷人承之以敬敬之敝小人以鬼故周人承之以文文之敝小人以僂故救僂莫若以忠三王之道若循環周而復始僂音西志翻史記僂作薄專精務本儒學

所先先應薦翻臣以為博士及甲乙策試宜從其家章句開

五十難以試之難乃旦翻解釋多者為上第引文明者為高

說若不依先師義有相伐賢曰伐謂相攻伐也皆正以為非上從

之是歲初封大長秋鄭眾為鄴鄉侯賞誅實憲功也官官封侯自此

始賢曰說文曰南陽郡棘陽縣有鄴鄉鄭音上交翻

十五年夏四月甲子晦日有食之時帝遵肅宗故事凡

弟皆留京師有司以日食陰盛奏遣諸王就國詔曰甲

子之異責由一人諸王幼稚早離顧復

詩小雅蓼莪之篇曰父兮生我

母兮鞠我顧我復我出入腹我鄭氏箋曰顧旋視也復反覆也離力智翻

弱冠相育

冠古常玩翻

有蓼莪凱風之哀

詩小雅曰蓼蓼者莪匪莪伊蒿哀父母生我劬勞又國風曰凱風自南

吹彼棘心棘心夭夭母氏劬勞蓼力竹翻

選懦之恩知非國典且復宿留賢

選懦慈戀不決之意也懦音人宛翻復扶又翻宿音秀留音溜

秋九月壬午車駕南

巡清河濟北河間三王並從

濟子禮翻從才用翻

四州雨水

冬十月戊申帝幸章陵戊午進幸雲夢

賢曰雲夢今安州縣也即在雲

夢澤中

時太尉張禹留守

又翻

聞車駕當幸江陵以為不

宜冒險遠遊驛馬上諫

上時

詔報曰祠謁既訖

謂幸章陵祠謁

四親陵廟

當南禮大江會得君奏臨漢回輿而旋十一月甲

申還宮

嶺南舊貢生龍眼荔枝十里一置五里一候

賢曰交州記曰龍眼樹高五六丈似荔枝支而小廣州記曰子似荔枝支而圓七月熟荔枝支樹高五六丈大如桂樹

實如雞子甘而多汁似安石榴有甜醋者至日禺中翕然俱赤即可食置謂驛也候即候也立之道旁荔枝計

翻晝夜傳送

傳直

臨武長汝南唐羗

賢曰臨武縣屬桂陽郡今郴州縣嶺

南入嶽道經臨武長知兩翻

上書曰臣聞上不以滋味為德下不以

次之曰車

齊治通鑑

三十一

貢膳為功伏見交趾七郡

交趾州部南海蒼梧鬱林合浦交趾九真日南七郡獻

生龍眼等鳥驚風發

言其疾也

南州土地炎熱惡蟲猛獸不

絕於路至於觸犯死亡之害死者不可復生來者猶可

救也

復扶又翻下同

此二物升殿未必延年益壽帝下詔曰遠

國珍羞本以薦奉宗廟

宗廟之薦各以其土之所有而致之貴遠物也

苟有傷

害豈愛民之本其敕太官勿復受獻是歲初令郡國

以日北至按薄刑

時有司奏以為夏至則微陰起靡草死可以決小事遂令以日北至按薄

刑賢曰禮記月令曰孟夏之月靡草死麥秋至斷薄刑決小罪按五月一陰文生可以言微陰今月令云孟夏

乃是純陽之月此言夏至者與月令不同余按安帝永初元年魯恭言自永元十五年按簿刑改用孟夏則夏至乃謂夏之初至范史以日北至書之其誤後人甚矣

十六年秋七月旱 辛酉司徒魯恭免 庚午以光祿

勲張酺為司徒八月己酉酺薨 冬十月辛卯以司空

徐防為司徒大鴻臚陳寵為司空臚陵如翻十一月己丑

帝行幸緱氏登百岯山緱氏縣屬河南尹賢曰即柏岯山也在洛州緱氏縣南爾雅云

山一成曰岯緱工侯翻此平晉翻北匈奴遣使稱臣貢獻願和親修

呼韓邪故約帝以其舊禮不備未許而厚加賞賜不答

其使

元興元年春高句驪王宮入遼東塞寇畧六縣

句驪至宮沒強

數犯邊句如字又音駒驪力知翻

夏四月庚午赦天下改元秋九

月遼東太守耿護擊高句驪破之冬十二月辛未帝

崩于章德前殿

年二十七

初帝失皇子前後十數後生者輒

隱祕養於民間羣臣無知者及帝崩鄧皇后乃收皇子

於民間長子勝有痼疾

痼音固痼疾堅久之疾也長知兩翻

少子隆生始

百餘日

少詩照翻

迎立以為皇太子是夜即皇帝位

廢長立幼卒以

不終為羣臣疑勝疾非
痼周章有異謀張本

尊皇后曰皇太后太后臨朝

直朝

遙

是時新遭大憂法禁未設宮中亡大珠一篋

篋詰悵
翻竹筭

也太后念欲考問必有不辜

考問則下之獄辭所連
及必有無辜而被逮者乃

親閱宮人觀察顏色即時首服

首式
救翻

又和帝幸人吉成

御者共枉吉成以巫蠱事下掖庭考訊辭證明白

幸人
常見

幸於和帝者也御者即侍者辭謂
告者之辭證謂證佐也下選稼翻

太后以吉成先帝左

右待之有恩平日尚無惡言今反若此不合人情

謂婦
人之

情有寵則上僭而生譖
恩尚未嘗挾寵而有惡言
加於后今帝已晏駕太后臨

朝不應反
為巫蠱

更自呼見寶覈果御者所為寶覈者審考其實也莫不

歎服以為聖明

北匈奴重遣使詣敦煌貢獻

重直用翻敦音

也辭以國貧未能備禮願請大使當遣子入侍

賢曰天子降大

使至其國即遣子隨大使入侍

太后亦不答其使加賜而已

雒陽令

廣漢王渙居身平正能以明察發擿姦伏

擿他秋翻

外行猛

政內懷慈仁凡所平斷

斷下亂翻

人莫不悅服京師以為有

神是歲卒官

卒于官也卒子恤翻

百姓市道莫不咨嗟流涕渙喪

西歸道經弘農民庶皆設槃案於路

以祭渙也槃以盛祭物案以陳槃今

野人之吏問其故咸言平常持米到雒為吏卒所鈔賢
祭猶然

鈔掠也余謂此言鈔者非至如盜賊之鈔恒亡其半恒
掠時不以道而侵取之故曰鈔音楚交翻

登自王君在事在事謂在官當事也不見侵枉故來報恩雒陽民

為立祠作詩每祭輒弦歌而薦之以所作詩被之弦歌也為于偽翻太

后詔曰夫忠良之吏國家之所以為治也治直之翻求之甚

勤得之至寡今以渙子石為郎中以勸勞勤

資治通鑑卷四十八

欽定四庫全書

資治通鑑卷四十九

宋 司馬光 撰

胡三省 音註

漢紀四十一

起柔兆敦牂盡旃蒙單閼凡十年

孝殤皇帝

諱隆和帝少子也謚法短折不成曰殤伏候古今注曰隆之字曰盛

延平元年春正月辛卯以太尉張禹為太傅司徒徐防

為太尉叅錄尚書事太后以帝在襁褓

襁居兩翻褓音保

欲令

重臣居禁內乃詔禹舍宮中五日一歸府每朝見特贊

與三公絕席

特贊者每朝見贊拜者先獨贊禹名既乃贊大尉名以下禹不與三公同贊也絕席

者朝位獨在百僚上不與三公聯席也朝直遙翻見賢通翻

封皇兄勝為平原王

癸卯以光祿勳梁鮪為司徒

鮪于軌翻

三月甲申葬孝

和皇帝于慎陵

賢曰慎陵在雒陽東南三十里

廟曰穆宗丙戌清河

王慶濟北王壽河間王開常山王章始就國

濟子禮翻

太后

特加慶以殊禮

殊異也其禮異於諸王也

慶子祐年十三太后以帝

幼弱遠慮不虞留祐與嫡母耿姬居清河邸

為帝崩立祐張本

耿姬况之曾孫也

耿况以上谷從光武

祐母捷為左姬也

捷居言翻

夏四月鮮卑寇漁陽太守張顯率數百人出塞追

之兵馬掾嚴授諫曰前道險阻賊執難量

掾俞絹制量音良

宜

且結營先令輕騎偵視之顯意甚銳怒欲斬之遂進兵

遇虜伏發士卒悉走唯授力戰身被十創手殺數人而

死

緣邊郡曹有兵馬掾掌兵馬領丑鄭翻創初良翻

主簿衛福功曹徐咸皆自

投赴顯俱沒於陳

陳讀曰陣

丙寅以虎賁中郎將鄧騭為

車騎將軍儀同三司

三司三公也晉職官志曰儀同三司之名始此騭職日翻

騭弟

黃門侍郎悝為虎賁中郎將宏閭皆侍中

悝苦回翻閭齒良翻

司空陳寵薨

五月辛卯赦天下

壬辰河東垣山崩

賢曰垣縣今絳州縣也

六月丁未以太常尹勤為司空 郡國

三十七雨水

己未太后詔減太官導官尚方內署諸

服御珍膳靡麗難成之物

賢曰太官令周官也秩千石典天子御膳導官掌擇御米

導擇也尚方掌作御刀劍諸器物內署掌內府衣物令秩皆六百石

自非供陵廟稻粱米

不得導擇朝夕一肉飯而已舊太官湯官經用歲且二

萬萬自是裁數千萬

百官志湯官丞主酒屬太官令

及郡國所貢皆減

其過半悉斥賣上林鷹犬

東都亦有上林苑在雒陽西斥間也棄也

離宮別

館儲峙米糴薪炭悉令省之

峙丈里翻
糴音備

丁卯詔免遣

掖庭宮人及宗室沒入者皆為庶民 秋七月庚寅敕

司隸校尉部刺史曰

司隸校尉及諸
州部刺史也

間者郡國或有水

災妨害秋稼朝廷惟咎憂惶悼懼

惟思也
咎過也

而郡國欲獲

豐穰虛飾之譽遂覆蔽災害

覆敷
又翻

多張墾田不揣流亡

揣初競增戶口掩匿盜賊令姦惡無懲

隱蔽盜賊不以
上聞弗加誅討

使姦惡無
所懲艾

署用非次選舉乖宜貪苛慘毒延及平民

賢曰

平民謂
善人也

刺史垂頭塞耳阿私下比

塞惡則翻
毗至翻

不畏于天

不愧于人

詩小雅何人斯之辭

假貸之恩不可數恃

數所角期

自今以

後將糾其罪二千石長吏其各實覈所傷害為除田租

芻橐

長知兩翻為于仍翻

八月辛卯帝崩

年二歲

癸丑殯于崇德

前殿

賢曰雒陽南宮有崇德殿

太后與兄車騎將軍鴈虎賁中郎將

惺等定策禁中

惺苦回翻

其夜使鴈持節以王青蓋車迎清

河王子祐

賢曰續漢志曰皇太子皇子皆安車朱班輪青蓋金華蚤皇子為王錫以乘之故曰王青

蓋車皇孫則綠車

齋于殿中皇太后御崇德殿百官皆吉服陪

位

賢曰不可以凶事臨朝改吉服也

引拜祐為長安侯

賢曰不即立為天子而封侯者

不欲從微即登皇位余謂先
封侯者用立孝宣帝故事也乃下詔以祐為孝和皇帝

嗣又作策命有司讀策畢太尉奉上璽綬即皇帝位上

掌翻璽斯氏太后猶臨朝公羊傳曰猶詔告司隸校尉

河南尹南陽太守曰每覽前代外戚賓客濁亂奉公言

扶執恣橫奉公之為民患苦咎在執法怠懈不輒行其

罰故也懈古今車騎將軍騰等雖懷敬順之志而宗門

廣大姻戚不小賓客姦猾多干禁憲賢曰干其明加檢

敕勿相容護自是親屬犯罪無所假貸九月六州大

水

丙寅葬孝殤皇帝于康陵

賈曰康陵在慎陵塋中庚地

以連遭

大水百姓苦後方中秘藏

賈曰方中陵中也家藏之中故言秘也孔穎達曰凡天子

之葬掘地為方壙漢書謂之方中方中之內先累椁於其方中南而為羨道以蜃車載柩至壙說而載以龍輜從羨道而入至方中乃屬紼於棺之絨從上及諸工作而下棺入於椁之中方上謂覆坑方石上

事減約十分居一

十分居一者減其九分也

乙亥殯石于陳留

陳留

郡在雒陽東五百三十里

詔以北地梁慄為西域副校尉

慄音勤校戶教

翻謹行至河西會西域諸國反攻都護任尚於疏勒尚

上書求救詔謹將河西四郡羌胡五千騎馳赴之謹未

至而尚已得解詔徵尚還以騎都尉段禧為都護西域

長史趙博為騎都尉禧博守它乾城

班超為都護居龜茲它乾城

城

小梁慳以為不可固乃譎說龜茲王白霸

譎古兗割說輸萬翻龜茲

音丘

欲入共保其城白霸許之吏民固諫白霸不聽

既入遣將急迎段禧趙博合軍八九千人龜茲吏民並

叛其王而與溫宿姑墨數萬兵反共圍城慳等出戰大

破之連兵數月胡衆敗走乘勝追擊凡斬首萬餘級

生口數千人龜茲乃定

梁慳非不健開然終不能定西域者徒勇而無策畧也

冬十月四州大水雨雹

雨于其翻

清河孝王慶病篤上書

求葬樊濯宋貴人家旁

欲從其母也

十二月甲子王薨乙

酉罷魚龍曼延戲

武帝元封二年作魚龍曼延戲今罷之曼音萬延衍而翻

尚書

郎南陽樊準以儒風寢衰上疏曰臣聞人君不可以不

學光武皇帝受命中興東西誅戰不遑啓處

處昌呂翻

然猶

投戈講藝

藝六藝也

息馬論道孝明皇帝庶政萬機無不簡

心

朱子曰簡閱也

而垂情古典游意經藝每饗射禮畢正坐自

講諸儒並聽四方欣欣又多徵名儒布在廊廟每宴會

則論難行

賢曰行和樂貌也難乃旦翻衍苦旱翻又苦汗翻

共求政化期門

羽林介冑之士悉通孝經

期門即虎賁士

化自聖躬流及蠻荒

是以議者每稱盛時咸言永平今學者益少

少詩治翻

遠方

尤甚博士倚席不講

賢曰禮記曰凡侍坐於大司成者遠間三席又曰若非飲食之客則

布席席間函丈注云謂講問客也倚席言不施講坐也

儒者競論浮麗忘蹇蹇之

忠習譏諫之辭

賢曰譏諫諂言也音踐前書曰昔秦穆公說譏諫之言

臣愚以為

宜下明詔博求幽隱寵進儒雅以俟聖上講習之期

時安

帝始年十三故請求儒雅以俟講習

太后深納其言詔公卿中二千石各

舉隱士大儒務取高行以勸後進

行下孟翻

妙簡博士

妙精也簡

擇也必得其人

孝安皇帝上

諱祐肅宗孫也父曰清河孝王慶謚法寬容和平曰安伏侯古今注曰祐

之字曰福

永初元年春正月癸酉朔赦天下

蜀郡徼外羗內屬

徼吉弔翻下同

二月丁卯分清河國封帝弟常保為廣川王

廣川縣屬信都國賢曰故城在今冀州東疆縣東北

庚午司徒梁鮪薨

三月

癸酉日有食之

己卯永昌徼外僬僿種夷陸類等舉

種內附

永昌郡在雒陽西七千二百六十里僬僥國人長不過三尺微吉弔翻僬茲消翻僥俛么翻種

章勇

甲申葬清河孝王於廣丘

廣丘在清河厝縣後更名甘陵

司空

宗正護喪事儀比東海恭王

恭王葬見四十五卷明帝永平元年考異曰帝紀

書車騎將軍
護葬今從傳

自和帝之喪鄧騭兄弟常居禁中騭不

欲久在內連求還第太后許之夏四月封太傅張禹太

尉徐防司空尹勤車騎將軍鄧騭城門校尉鄧悝虎賁

中郎將鄧宏黃門郎鄧閭皆為列侯

禹安鄉侯防龍鄉侯騭上蔡侯悝葉

侯宏西平侯閭西華侯閭音昌
考異曰袁紀前作閭後作闔蓋誤

食邑各萬戶騭以定

策功增三千戶鴈及諸弟辭讓不獲遂逃避使者聞關

詣闕

賢曰間關猶崎嶇也

上疏自陳至于五六乃許之五月甲

戌以長樂衛尉魯恭為司徒

樂音洛

恭上言舊制立秋乃

行薄刑自永元十五年以來改用孟夏

事見上卷

而刺史太

守因以盛夏徵召農民拘對考驗連滯無已

連謂獄辭相連及也

滯謂留滯不決也

上逆時氣下傷農業案月令孟夏斷薄刑者

謂其輕罪已正

謂已結正也斷丁亂翻下同

不欲令久繫故時斷之

也臣愚以為今孟夏之制可從此令其決獄案考皆以

立秋為斷又奏孝章皇帝欲助三正之微定律著令斷

獄皆以冬至之前

事見四十七卷章帝元和三年

小吏不與國同心者

率十一月得死罪賊不問曲直便即格殺雖有疑罪不

復讞正

復扶又翻讞魚列翻又魚戰翻又魚塞翻議獄也

可令大辟之科

辟毗亦翻

盡冬月乃斷朝廷皆從之丁丑詔封北海王睦孫壽

光侯普為北海王

和帝永元八年北海王威自殺今復紹封壽光縣本屬北海後屬樂安國

九真徼外夜郎蠻夷舉土內屬西域都護段禧等

雖保龜茲而道路隔塞

塞悉則翻

檄書不通公卿議者以為

西域阻遠數有背叛

數所角翻背蒲妹翻

吏士屯田其費無已六

月壬戌罷西域都護

和帝永元三年復置西域都護今罷

遣騎都尉王宏

發關中兵迎禧及梁慄趙博伊吾盧柳中屯田吏士而

還

初燒當羌豪東號之子麻奴隨父來降

東號降見四十七卷

和帝永元元年降戶江翻

居于安定時諸降羌布在郡縣皆為吏民

豪右所徭役

徭使也

積以愁怨及王宏西迎段禧發金城

隴西漢陽羌數百千騎與俱郡縣迫促發遣羣羌懼遠

屯不還行到酒泉頗有散叛諸郡各發兵邀遮或覆其

廬落于是勒姐當煎大豪東岸等愈驚遂同時犇潰

姐音

紫且翻
又音紫

麻奴兄弟因此與種人俱西出塞滇零與鍾羗

諸種大為寇掠斷隴道

零音憐續漢書曰鍾羗九千餘戶在隴西臨洮谷隴道隴坻之

道也種章勇
翻斷丁管翻

時羗歸附既久無復器甲或持竹竿木枝

以代戈矛或負板案以為楯

楯食尹翻

或執銅鏡以象兵

銅鏡

映日人遙望
之以為兵也

郡縣畏懦不能制丁外赦除諸羗相連結

謀叛逆者罪

秋九月庚午太尉徐防以災異寇賊策

免三公以災異免自防始辛未司空尹勤以水雨漂流

策免仲長統昌言曰

仲姓也商湯左相仲虺周有仲山甫舜十六相有仲堪仲熊周

八士有仲突仲忽

光武皇帝愠數世之失權忿彊臣之竊命

賢曰

昌當也愠猶恨也數世謂元成哀平彊臣謂王莽

矯枉過直政不任下雖置三

公事歸臺閣

賢曰臺閣謂尚書余謂三公失職非至光武時始然也自武帝游宴後庭用宦者處

振機至于宣帝專任恭顯而丞相御史取充位事歸臺閣其所由來者漸也

自此以來三公

之職備員而已然政有不治猶加譴責而權移外戚之

家寵被近習之豎

被皮義翻

親其黨類用其私人內充京師

外布州郡顛倒賢愚貿易選舉

貿音茂

疲駕守境

駕音奴駕貽馬

之下乘以喻
不才之吏

貪殘牧民撓擾百姓

撓音火
高翻

忿怒四夷招

致乖叛亂離斯瘼

用詩語賢
曰瘼病也

怨氣並作陰陽失和三光

虧缺怪異數至

數所
角翻

蟲螟食稼水旱為災此皆戚宦之

臣所致然也反以策讓三公至于死免乃足為叫呼蒼

天號咷泣血者矣

故聲而哭曰號咷號
戶刀翻咷徒刀翻

又中世之選三

公也務於清慤謹慎循常習故者是以婦女之檢押

賢曰

檢押猶規矩也揚子曰蠢迪檢押注云檢押猶
隱括也毛晃曰檢押檢束也輔也俗作檢押非鄉曲之

常人耳惡足以居斯位邪

惡音烏
下同

執既如彼選又如此

而欲望三公勲立於國家績加於生民不亦遠乎昔文

帝之於鄧通可謂至愛而猶展申徒嘉之志

事見十四卷文帝後

二夫見任如此則何患於左右小臣哉至於近世外戚

宦豎請託不行意氣不滿立能陷人於不測之禍惡可

得彈正者哉曩者任之重而責之輕今者任之輕而責

之重光武奪三公之重至今而加甚不假后黨以權數

世而不行蓋親疏之執異也

賢曰言光武奪三公重任今奪更甚光武不假后黨

威權數代遂不遵行此為三公疏后黨親故也

今人主誠專委三公分任責成

而在位病民

病民謂百姓受其害也

舉用失賢百姓不安爭訟不

息天地多變人物多妖

妖於驕翻

然後可以分此罪矣 壬

午詔太僕少府減黃門鼓吹以補羽林士

漢官儀曰黃門鼓吹百四十

五人羽林左監主羽林八百人右監主九百人杜佑曰漢代有黃門鼓吹享宴食舉樂十三曲與魏代鼓吹長蕭伎錄並云絲竹合作執節者歌又建初錄云務成黃爵玄雲遠期皆騎吹曲非鼓吹曲此則列於殿庭者為鼓吹今之從行者為騎吹二曲異也孫權觀魏武軍作鼓吹而還應是此鼓吹魏晉代給鼓吹甚輕牙門督將五校悉有鼓吹齊梁至陳則重矣今代短簫鏡歌亦謂之鼓吹蔡邕曰鼓吹軍樂也黃帝岐伯所作以揚威武勸士諷敵也雍門周說孟嘗君鼓吹於不測之淵說者云鼓自一物吹自竽籥之屬非簫鼓合奏別為一樂之

名也然則短簫鏡歌此時未名鼓吹矣宋白曰鼓吹據崔豹古今注張騫使西域得摩訶兜勒一曲李延年增之分為二十八曲梁置清商鼓吹令二人唐又有搖鼓金鈺大鼓長鳴歌簫笳笛合為鼓吹十二案大享會則設於廐馬非乘輿常所御者皆減半食賢曰乘輿所乘懸外

言尊者故稱乘輿見蔡邕獨斷乘繩證翻

諸所造作非供宗廟園陵之用皆

且止 庚寅以太傅張禹為太尉太常周章為司空

大長秋鄭眾中常侍蔡倫等皆秉勢豫政周章數進直

言

數所角翻

太后不能用初太后以平原王勝有痼疾而貪

殤帝孩抱養為己子故立焉及殤帝崩羣臣以勝疾非

痼意咸歸之太后以前不立勝恐後為怨乃迎帝而立之周章以衆心不附密謀閉宮門誅鄧騭兄弟及鄭衆蔡倫劫尚書廢太后於南宮封帝為遠國王而立平原王事覺冬十一月丁亥章自殺戊子敕司隸校尉冀并二州刺史民訛言相驚弃捐舊居老弱相携窮困道路其各敕所部長吏躬親曉喻長知兩翻若欲歸本郡在所為封長檄不欲勿彊為于偽翻賢曰封謂印封之也長檄猶今長牒也欲歸者皆給以長牒為驗彊音其兩翻十二月乙卯以潁川太守張敏為司空

詔車騎將軍鄧騭征西校尉任尙將五營及諸郡兵五

萬人

五營北軍五校營也

屯漢陽以備羌

考異曰帝紀在六月今從西羌傳

是

歲郡國十八地震四十一大水二十八風雨雹

鮮

卑大人燕荔陽詣闕朝賀太后賜燕荔陽王印綬赤車

參駕

赤車者帷裳衡軛皆赤參駕者駕二馬燕於賢翻荔力計翻

令止烏桓校尉所

居窰城下

窰城屬上谷郡

通胡市因築南北兩部質館

賢曰築館以受

降質質音致下同

鮮卑邑落百二十部各遣入質

二年春正月鄧騭至漢陽諸郡兵未至鍾羌數千人擊

敗隲軍于冀西

冀縣之西也
敗補遁翻

殺千餘人梁懂還至燉煌

自西域還也
燉徒門翻

逆詔懂留為諸軍援

逆也

懂至張掖

張掖郡在

維陽西四千二百里應劭曰
張掖者言為國張臂掖也

破諸羌萬餘人其能脫者

十二三進至姑臧羌大豪三百餘人詣懂降並慰譬遣

還故地御史中丞樊準以郡國連年水旱民多飢困

上疏請令大官尚方考功上林池籞諸官實減無事之

物賢曰前書百官表少府掌山海池澤之稅屬官有太
官考工尚方上林中十池監太官掌御膳飲食考工

主作器械尚方主作刀劍實減謂實
覆其數減之也功當作工籞偶許翻五府調省中都官

史京師作者

賢曰五府謂太傅太尉司徒司空大將軍也調徵發也省減也中都官吏在京師之

官吏也作謂營作者也余按是時不拜大將軍獨鄧鵠為車騎將軍耳調徒弔翻

又被災之郡

百姓凋殘恐非賑給所能勝贍

勝被皮義翻勝音升

雖有其名終

無其實可依征和元年故事

賢曰武帝征和元年詔曰當今務在禁苛暴止擅賦

力本農桑毋乏武備而已予據此乃征和四年詔也征和元年當有遣使慰安故事遣使持節慰

安尤困乏者徙置荆揚孰郡

孰古熟字通

今雖有西屯之役

宜先東州之急

西屯謂討羌之師東州謂雒陽以東冀兗諸州被水旱也先悉薦翻

太后

從之悉以公田賦與貧民

賦布也

即擢準與議郎呂倉並

守光祿大夫二月乙丑遣準使冀州倉使兗州稟貸流

民咸得蘇息

東給也貸施也死而更生曰蘇氣絕而復續曰息

夏旱五月丙

寅皇太后幸雒陽寺

賢曰寺官舍也風俗通曰寺嗣也理事之吏嗣續於其中

及若

盧獄

前漢有若盧獄屬少府漢舊儀曰主鞠將相大臣東都初省和帝永元九年復置

錄囚徒

雒陽有囚實不殺人而被考自誣羸困興見

興復興也獄囚被掠

委用者以復興處之師古曰編竹木以爲興形如今之食興見賢通翻復音編

畏吏不敢言將

去舉頭若欲自訴太后察視覺之即呼還問狀具得枉

實

得其見枉之實也

即時收雒陽令下獄抵罪

下遐稼翻

行未還官

澍雨大降

澍音注又殊遇翻時雨也

六月京師及郡國四十大水

大風雨雹

東觀記曰雹大如芋魁鷄子風拔樹發屋雨于具翻

秋七月太白入

北斗

晉書天文志北斗七星在太微北七政之樞機陰陽之元本也故運乎中央而臨制四方所以建四

時而均五行也天文志曰太白入斗中為貴相凶

閏月廣川王常保薨無子

國除癸未蜀郡徵外羌舉土內屬

東觀記曰徵外羌薄申等八種舉眾

降徵吉

冬鄧騭使任尚及從事中郎河內司馬鈞率

諸郡兵與滇零等數萬人戰于平襄

平襄縣屬漢陽郡賢曰故襄戎邑零

音尚軍大敗死者八千餘人羌眾遂大盛朝廷不能制

湟中諸縣粟石萬錢百姓死亡不可勝數而轉運難劇

劇甚也勝音升

故左校令河南龐參

將作大匠屬官而左右校令各一人秩六百石左校

今掌左工徒右校令掌右工徒校戶教翻龐皮江翻

先生法輪作若盧使其子俊

上書曰方今西州流民擾動而徵發不絕水潦不休地

力不復

賢曰言其耗損不復於舊

重之以大軍

重直用翻

疲之以遠戍農

功消於轉運資財竭於徵發田疇不得墾闢禾稼不得

收入搏手困窮

賢曰兩手相搏言無計也

無望來秋百姓力屈不復

堪命

復扶又翻

臣愚以為萬里運糧遠就羌戎不若總兵養

衆以待其疲車騎將軍騰宜且振旅

傳曰三年而治兵入而振旅書曰班

師振旅振整也整衆而還也

留征西校尉任尚使督涼州士民轉居

三輔

參建棄涼州之議發於此書

休徭役以助其時止煩賦以益其

財令男得耕種女得織

賢曰經音如深翻杜預注左傳云織經織繒布也字釋云

經機緯也又如沁翻

然後畜精銳乘懈沮出其不意攻其不備則

邊民之仇報犇北之耻雪矣

懈古隘翻沮在呂翻

書奏會樊準上

疏薦參太后即擢參於徙中台拜謁者使西督三輔諸

軍屯十一月辛酉詔鄧騰還師留任尚屯漢陽為諸軍

節度遣使迎拜隲為大將軍既至使大鴻臚親迎中常

侍郊勞

臚陵如翻
勞力到翻

王主以下候望於道寵靈顯赫光震

都鄙

王主諸王及諸公主也鄧騭西征無功而還當引
罪求自貶以天下據執持權冒受榮寵於心安乎

君子是以知其不終也

滇零自稱天子於北地招集武都參狼

羌居武都者為參
狼種參所替翻

上郡西河諸雜種羌斷隴道寇鈔三

輔

斷丁管翻
鈔楚交翻

南入益州殺漢中太守董炳梁懂受詔當

屯金城聞羌寇三輔即引兵赴擊轉戰武功美陽間

武功

美陽二縣
屬扶風

連破走之羌稍退散十二月廣漢塞外參

狼羌降

此與武都參狼同種而分居廣漢塞外者也

是歲郡國十二地震

三年春正月庚子皇帝加元服赦天下遣騎都尉任

仁督諸郡屯兵救三輔仁戰數不利

數所角翻

當煎勒姐羌

攻沒破羌縣

破羌縣屬金城縣

鍾羌攻沒臨洮縣執隴西南部

都尉

臨洮縣隴西南部都尉治所洮上刀翻

三月京師大飢民相食壬

辰公卿詣闕謝詔務思變復以助不逮

變改也改過以復於善也

壬寅司徒魯恭罷恭再在公位

和帝永元十二年恭代呂蓋為司徒永初元年

復代梁鮪為司徒

選辟高第至列卿郡守者數十人

此謂恭府掾屬之高

第也守手又翻

而門下耆生

耆老也

或不蒙薦舉至有怨望者恭

聞之曰學之不講是吾憂也

論語孔子之言

諸生不有鄉舉者

乎

賢曰言人患學之不習耳若能究習自有鄉里之舉豈要待三公之辟乎

終無所言亦不

借之議論學者受業必窮核問難

難乃旦翻

道成然後謝遣

之學者曰魯公謝與議論不可虛得

夏四月丙寅以

大鴻臚九江夏勤為司徒三公以國用未足奏令吏

民入錢穀得為關內侯虎賁羽林郎五官大夫官府吏

緹騎營士各有差

五官亦郎也大夫光祿太中中散諫議大夫也官府吏給事諸官府者賢

曰續漢志曰執金吾緹騎二百人緹赤黃色
營士謂五校營士也緹丁禮翻又丁奚翻

甲申清

河愍王虎威薨無子五月丙申封樂安王寵子延平為

清河王奉孝王後六月漁陽烏桓與石北平胡千餘

寇代郡上谷漢人韓琮隨匈奴南單于入朝

漢人與匈奴錯

居韓琮因事南單于琮徂宗翻

既還說南單于云

說式芮翻

關東水潦人民

飢餓死盡可擊也單于信其言遂反秋七月海賊張

伯路等寇濱海九郡殺二千石令長

長和兩翻

遣侍御史巴

郡龐雄督州郡兵擊之伯路等乞降尋復屯聚

復扶又翻

九月鴈門烏桓率衆王無何允與鮮卑大人丘倫等及

南匈奴骨都合七千騎寇五原與太守戰于高渠谷

賢曰

東觀記戰九原高渠谷渠梁加類必有誤

漢兵大敗

南單于圍中郎將耿

种於美稷

使匈奴中郎將也种音冲

冬十一月以大司農陳國何熙

行車騎將軍事中郎將龐雄為副將五營及邊郡兵二

萬餘人又詔遼東太守耿種率鮮卑及諸郡共擊之以

梁懂行度遼將軍事雄夔擊南匈奴其鞬日逐王破之

與於六翻鞬店言翻

十二月辛酉郡國九地震

乙亥有星孛

于天苑

晉書天文志天苑十六星在昴畢南天子之苑園養獸之所也字蒲內翻

是歲京師

及郡國四十一雨水并涼二州大飢人相食太后以

陰陽不和軍旅數興

數所角翻

詔歲終饗遣衛士勿設戲作

樂

西都之制歲書衛卒交代上臨饗罷遣之續漢志曰饗遣故衛士儀百官會位定謁者持節引故衛士入

自端門衛司馬執幡鉦護行行定侍御史持節慰勞以詔恩問所疾苦受其章奏所欲言畢饗賜作樂觀以前

抵樂闕罷遣

減逐疫侖子之半

賢曰侖子逐疫之人也音振薛綜注西京賦云

侖之言善也善童幼子也續漢書曰大儺選中黃門子弟年十歲以上十二以下百二十人為侖子皆赤幘皂

製執

大執

四年春正月元會徹樂不陳充庭車

賢曰每大朝會必陳乘輿法物車輦

於庭以年飢故不陳

鄧騭在位頗能推進賢士薦何熙李邵等

列於朝廷

卽曷閤翻

又辟弘農楊震巴郡陳禪等置之幕府

天下稱之震孤貧好學明歐陽尚書通達博覽諸儒為

之語曰關西孔子楊伯起

楊震字伯起居弘農在函谷關之西

教授二十

餘年不答州郡禮命

禮謂延聘之禮命謂辟置之命

衆人謂之晚暮

謂歲

月已老而出仕遲也

而震志愈篤騭聞而辟之時震年已五十餘

累遷荊州刺史東萊太守

郡國志東萊郡在雒陽東三千一百二十八里

當之

郡道經昌邑

昌邑縣屬山陽郡賢曰昌邑故城在今兗州金鄉縣西北

故所舉荊州

茂才王密為昌邑令夜懷金十斤以遺震

遺于季

震曰

故人知君君不知故人何也密曰暮夜無知者震曰天

知地知我知子知何謂無知者密愧而出後轉涿郡太

守

郡國志涿郡在薊陽東北千八百里

性公廉子孫常蔬食步行

食不魚肉行不

車騎也

故舊或欲令為開產業

為于偽翻

震不肯曰使後世稱

為清白吏子孫以此遺之不亦厚乎張伯路復攻郡

縣殺守令

復扶又翻下同

黨眾浸盛詔遣御史中丞王宗持節

發幽冀諸郡兵合數萬人徵宛陵令扶風法雄為青州

刺史

宛陵縣屬河南尹法姓也齊襄王法章之後秦滅齊子孫不敢稱田姓故以法為氏

與宗并

力討之

南單于圍耿种數月梁慄耿夔擊斬其別將

於屬國故城

班志西河美稷縣屬國都尉治故城蓋在美稷縣界將即亮翻下同

單于自

將迎戰慄等復破之單于遂引還虎澤

班志西河郡鼓羅縣虎澤在西

北師古避唐諱以虎為武

丙午詔減百官及州郡縣奉各有差

曰二月南匈奴寇常山

滇零遣兵寇褒中

褒中縣屬漢中郡古

褒國也賢曰今梁州褒城縣

漢中太守鄭勤移屯褒中任尚軍久出

無功民廢農桑乃詔尚將吏民還屯長安罷遣南陽潁川汝南吏士乙丑初置京兆虎牙都尉於長安扶風都

尉於雍如西京三輔都尉故事

賢曰漢官儀京兆虎牙扶風都尉以涼州近羌

數犯三輔將兵衛護園陵扶風都尉居雍故俗人稱雍營西京三輔京兆有京輔都尉馮翊有左輔都尉扶風有右輔 謁者龐參說鄧騭說斬馮翊徙邊郡不能自存者入

居三輔騭然之欲棄涼州并力北邊乃會公卿集議騭

曰譬若衣敗壞一以相補猶有所完

壞音怪

若不如是將

兩無所保郎中陳國虞訓言於太尉張禹曰若大將軍

之策不可者三先帝開拓土宇劬勞後定而今憚小費

舉而棄之此不可一也涼州既棄即以三輔為塞

隴西安定

北地皆涼州所部涼州既弃則三輔為極邊

則園陵單外此不可二也

關西出將關東出相

賢曰說文嘯傳言也前書秦漢以來山西出將山東出相秦時郿白

起潁陽王翦漢興義渠公孫賀傳介子成紀李廣李蔡上邽趙充國狄道辛武賢皆名將也丞相則蕭曹魏丙

韋平孔翟之類也

烈士武臣多出涼州土風壯猛便習兵事今

羌胡所以不敢入據三輔為心腹之害者以涼州在後

故也涼州士民所以推鋒執銳蒙矢石於行陳

行戶剛翻陳讀

陣曰父死於前子戰於後無反顧之心者為臣屬於漢故

也為于偽翻今推而捐之

推通回翻

割而弃之民庶安土重遷必

引領而怨曰中國弃我於夷狄雖赴義從善之人不能

無恨如卒然起謀

卒讀日粹

因天下之飢敝乘海內之虛弱

英雄相聚量材立帥

量音良帥所類翻

馬氏羌以為前鋒席卷

而東雖賁育為卒太公為將

賁音奔將即亮翻

猶恐不足當禦

如此則函谷以西園陵舊京非復漢有

復扶又翻

此不可三

也

是後北宮伯玉王國闔忠馬騰韓遂之廢卒如訓言

賢曰席卷言無餘也前書曰雲徹席卷後無餘災也

予謂席卷者言其執便易也議者喻以補衣猶有所完謂恐其疽食

侵淫而無限極也賢曰疽癰瘡也余謂食者言其侵食肌肉也禹曰吾意不

及此微子之言幾敗國事微無也幾謂因說禹收羅涼

土豪桀說輸芮翻引其牧守子弟於朝守式又翻朝直遙翻令諸府各

辟數人外以勸厲答其功勤內以拘致防其邪計禹善

其言更集四府皆從謂議於是辟西州豪桀為掾屬拜

牧守長吏子弟為郎以安慰之掾俞絹翻長知兩翻下同鄧騭由是

惡詡欲以吏法中傷之惡烏路翻中竹仲翻會朝歌賊甯季等數

千人攻殺長吏屯聚連年州郡不能禁乃以詡為朝歌

長

朝歌縣屬河內郡賢曰朝歌故城在今衛州衛縣西

故舊皆弔之

謂其將得罪也

詡笑

曰事不避難臣之職也不遇桀根錯節無以別利器

以斤

斧自喻也別彼列朝

此乃吾立功之秋也始到謁河內太守馬稜

稜曰君儒者當謀謨廟堂乃在朝歌甚為君憂之

偽為于翻

詡曰此賊犬羊相聚以求溫飽耳願明府不以為憂稜

曰何以言之詡曰朝歌者韓魏之郊

賢曰韓界上黨魏界河內相接太行

故云背太行

背蒲妹翻行戶剛翻

臨黃河去敖倉不過百里而青

冀之民流亡萬數賊不知開倉招衆劫庫兵守成臯斷

天下右臂

賢曰右臂喻要便也余謂右臂之說祖張儀見三卷周赧王四年斷丁管翻

此不

足憂也今其衆新盛難與爭鋒兵不厭權願寬假轡策

勿令有所拘閼而已

詡欲用度外之人以制羣盜恐郡家循常襲故以文法繩之故先以

此言於稜賢及到官設三科以募求壯士自掾史以下

各舉所知百官志縣有廷掾猶郡之五官掾也監鄉部

佐史斗食令史其攻劫者為上傷人偷盜者次之不事

家業者為下收得百餘人詡為饗會悉貫其罪

此三等
人皆惡

少年負宿罪者也悉貫之使入賊為間為于偽翻賞始制翻

使入賊中誘令劫掠乃

伏兵以待之遂殺賊數百人

誘賊出劫掠而伏兵殺之誘音酉

又潛遣

貧人能縫者傭作賊衣以采線縫其裾有出市里者吏

輒禽之賊由是駭散咸稱神明縣境皆平 三月何熙

軍到五原曼柏暴疾不能進遣龐雄與梁慄耿种將步

騎萬六千人攻虎澤連營稍前單于見諸軍並進大恐

怖

怖普布翻

顧讓韓琮曰汝言漢人死盡今是何等人也

賢曰

顧反也讓責也反顧責韓琮也

乃遣使乞降許之單于脫帽徒跣對龐

雄等拜陳道死罪

自陳謝罪言當死也

於是赦之遇待如初乃還

所鈔漢民男女

鈔楚交翻

及羌所畧轉賣入匈奴中者合萬

餘人會熙卒即拜梁懂為度遼將軍龐雄還為大鴻臚

先零羌復寇褒中

復扶又翻下同

鄭勤欲擊之主簿段崇諫

以為虜乘勝鋒不可當宜堅守待之勤不從出戰大敗

死者三千餘人段崇及門下史王宗原展

周原伯之後有原莊公又

晉卿先軫邑於原子孫以為氏又孔子弟子有原憲

以身扞必與勤俱死

郡門下有援有

史

徙金城郡居襄武

襄武縣屬隴西郡賢曰今渭州縣

戊子杜陵園

火

宣帝陵園也

癸巳郡國九地震

夏四月六州蝗

東觀記曰

司隸豫兗徐

青冀六州

丁丑赦天下

王宗法雄與張伯路連

戰破走之會赦到

赦書到也

賊以軍未解甲不敢歸降

降戶江翻

王宗召刺史太守共議

刺史青州刺史太守青州所部諸郡太守

皆以為當

遂擊之法雄曰不然兵凶器戰危事

賢曰史記范蠡之辭

勇不可

恃勝不可必賊若乘船浮海深入遠島

島都老翻水中有山曰島

攻

之未易也

易以鼓翻

及有赦令可且罷兵以慰誘其心執必

解散然後圖之可不戰而定也宗善其言即罷兵賊聞

大喜乃還所畧人而東萊郡兵猶未解甲賊復驚恐遁

走遼東止海島上

果如法
雄之言

秋七月乙酉三郡大水

騎都尉任仁與羌戰累敗而兵士放縱檻車徵詣廷尉

死護羌校尉段禧卒復以前校尉侯霸代之移居張掖

永初二年侯霸以衆羌反叛免護羌校尉時居狄道按
水經注羌水出湟中西南山下逕護羌城東故護羌校
尉治又東逕臨羌城西護羌校尉蓋治金城郡臨羌縣
界也然宣帝置護羌校尉本治金城今居東都定河隴
之後護羌校尉治安夷縣既而自安夷徙臨羌侯霸先
居隴西狄道以羌叛而臨羌不可居也今移居張掖以
隴西殘破復

度河而西

九月甲申益州郡地震

賢曰益州郡故
城在今昆州晉

寧縣

皇太后母新野君病

續漢志曰婦人封君儀比公主油韃軒車帶綬以采組為

組帶各如其綬色黃金辟邪加其首為帶

太后幸其第連日宿止三公上表

固爭乃還宮冬十月甲戌新野君薨使司空護喪事儀

比東海恭王

恭王事見四十四卷明帝永平元年

鄧騭等乞身行服太后

欲不許以問曹大家大家上疏曰妾聞謙讓之風德莫

大焉今四舅深執忠孝引身自退

賢曰四舅謂騭惺宏闡也

而以方

垂未靜拒而不許如後有毫毛加於今日誠恐推讓之

名不可再得

賢曰謂有纖微之過則推讓之美失也

太后乃許之及服除

詔隲復還輔朝政

朝直

更授前封

帝即昨之初封隲

隲

等叩頭固讓乃止于是並奉朝請位次三公下特進侯

上

賢曰在特進及侯之上請才性翻又如字

其有大議乃詣朝堂與公卿叅

謀

太后詔陰后家屬皆歸故郡

陰后家南徙事見上卷和帝永元十四年

歸故郡歸南陽也

還其資財五百餘萬

五年春正月庚辰朔日有食之 丙戌郡國十地震

己丑太尉張禹免甲申以光祿勳潁川李修為太尉

先零羌寇河東至河內

零音隣

百姓相驚多南奔度河使

北軍中候朱寵將五營士屯孟津

北軍中候掌監屯騎越騎步兵長水射聲

五營續漢志曰舊有中壘校尉領北軍營壘之事中興省中壘但置中候以監五營洪氏隸釋曰按祝睦後碑

書為北軍軍中候則知此亦省文耳詔魏郡趙國常山中山繕作塢候六

百一十六所

郡國四皆屬冀州懼羌自河東河內北入冀州界故作塢候以備之羌既轉

盛而緣邊二千石令長多內郡人並無守戰意皆爭上

徙郡縣以避寇難

長知兩翻上時掌翻

三月詔隴西徙襄武

隴西郡本

治狄道

考異曰上云金城徙襄武此又云隴西

安定

徙襄武紀傳皆然或者二郡皆寄治於襄武歟

徙美陽北地徙池陽上郡治衙

賢曰安定郡今涇州也美陽故城在今武功縣

北北地郡今寧州池陽縣故城在今涇陽縣北上郡今綏州也衙縣故城在今同州白水縣東北左傳秦晉戰于彭衙即此也予按郡國志美陽縣屬扶風池陽衙二縣屬馮翊衙音牙百姓慈土不樂去

舊

樂音洛

遂乃刈其禾稼發撤室屋夷營壁破積聚

積子賜翻

聚慈喻翻

時連旱蝗飢荒而驅蹙劫掠流離分散隨道死亡

或弃捐老弱或為人僕妾喪其大半

賊與蹙同喪息浪翻

復以任

尚為侍御史擊羌於上黨羊頭山破之

賢曰羊頭山在上黨郡穀遠縣

復扶又翻下同

乃罷孟津屯夫餘王寇樂浪

夫餘為寇始此夫音扶樂浪音

洛琅

高句驪王宮與濊貊寇玄菟

句如字又音駒驪力知翻濊音穢貊莫百

翻菟同
都翻

夏閏四月丁酉赦涼州河西四郡海賊張

伯路復寇東萊青州刺史法雄擊破之賊逃還遼東遼

東人李久等共斬之

張伯路永初三年
作亂至是始平

於是州界清靜

秋九月漢陽人杜琦及弟季貢同郡王信等與羌通

謀聚衆據上邽城冬十二月漢陽太守趙博遣客杜習

刺殺琦

刺七
亦翻

封習討奸侯杜季貢王信等將其衆據擄

泉營是歲九州蝗郡國八雨水

六年春正月甲寅詔曰凡供薦新味多非其節或爵養

彊孰

謂為土室蓄火使土氣蒸鬱而養之彊使成熟也
前書召信臣傳曰大官園種冬生蔥韭菜茹覆以

屋廡晝夜然蘊火待
溫氣乃生彊其兩翻

或穿掘萌芽味無所至而夭折生

長

天於北翻短折
曰天長知兩翻

豈所以順時育物乎傳曰非其時不

食

賢曰論語曰不時不食言非其時物則不食之前
書召信臣曰不時之物有傷於人不宜以奉供養自

今當奉祠陵廟及給御者皆須時乃上

時熟乃上進
也上時掌翻

凡

所省二十三種

種章
勇翻

三月十州蝗

夏四月乙丑司

空張敏罷

己卯以太常劉愷為司空

詔建武元功

二十八將皆紹封

五月旱

丙寅詔令中二千石下

至黃綬一切復秩

董巴與服志中二千石青綬四百石三百石二百石黃綬四年減百官奉

今復之

六月壬辰豫章員谿原山崩

豫章郡在雒陽南二千七百里屬揚

州

辛巳赦天下

侍御史唐喜討漢陽賊王信破斬

之杜季貢亡從滇零是歲滇零死子零昌立年尚少同

種狼莫為其計策

滇音顛零音憐少詩照翻種章勇翻

以季貢為將軍別

居丁奚城

按東觀記丁奚城在北地郡靈州縣

七年春二月丙午郡國十八地震夏四月己未平原

懷王勝薨無子太后立樂安夷王寵子得為平原王

丙申晦日有食之 秋護羌校尉侯霸騎都尉馮賢擊

先零別部卑羗於安定

零音憐

獲首虜千人 蝗

元初元年春正月甲子改元 二月乙卯日南地圻長

百餘里

東觀記曰圻長百八十二里廣五十六里長直亮翻

三月癸亥日有食

之

考異曰帝紀二月己卯日南地圻三月癸酉日食之本志及表紀皆云三月己卯日南地圻按長歷是年

二月壬辰朔無己卯三月壬戌朔癸酉十二日不應日食二月當是己卯三月當是癸亥

詔遣兵

屯河內通谷衝要三十六所皆作塢壁設鳴鼓以備羗

寇

自太行北至恒山限隔并冀其間多有谷道以相通今於衝要之地作塢壁以備羗寇

夏四

月丁酉赦天下 京師及郡國五旱蝗 五月先零羌

寇雍城

右扶風雍縣城也雍於用翻

蜀郡夷寇蠶陵殺縣令

蠶陵縣屬

蜀郡賢曰蠶陵故城在今冀州翼水縣西有蠶陵山因以名焉

九月乙丑太尉李修

罷羌豪號多與諸種鈔掠武都漢中巴郡板楯蠻救

之

按范書板楯蠻夷者秦昭襄王時射殺白虎有功昭王復夷人頃田不租十妻不筭傷人者論殺人者得

以俟錢贖死高祖為漢王發夷人以定三秦復其渠帥七姓不輸租賦餘戶乃歲入實錢口四十世號為板楯

蠻夷間中有渝水其人多居水左右天性勁勇數陷陳喜歌舞高祖為制巴渝舞蠻蓋挾板楯而戰因以為名

楠食尹翻倭徒濫翻實藏宗翻

漢中五官掾程信率郡兵與蠻共擊破

之百官志郡有五官掾署功曹及諸曹事掾俞綰翻號多走還斷隴道與零昌

合斷丁管翻零音憐侯霸馬賢與戰於枹罕破之枹罕縣屬隴西郡唐之河

州他音唐辛未以大司農山陽司馬苞為太尉冬十月

戊子朔日有食之凉州刺史皮楊姓譚皮樊仲皮之後又鄭有上卿子

皮出于罕氏擊羌於狄道大敗死者八百餘人考異曰紀作皮陽今從

西羌傳子按隴西郡舊治狄道去年徙襄武則其地已弃而不有矣是歲郡國十五地

震

二年春護羌校尉龐參以恩信招誘諸羌號多等帥衆

降

帥讀曰率降戶江翻

參遣詣闕賜號多侯印遣之參始還治令

居

自張掖徙還令居也

通河西道 零昌分兵寇益州遣中郎將

尹就討之 夏四月丙午立貴人榮陽閭氏為皇后

閭后

之母鄧宏之妻之同產也故得立

后性妬忌後宮李氏生皇子保后鵠

殺李氏

為后廢保張本保後立是為順帝

五月京師旱河南及郡國十

九蝗

河南即京師也

六月丙戌太尉司馬苞薨

秋七月辛

巳以太僕泰山馬英為太尉 八月遼東鮮卑圍無慮

無慮縣屬遼東郡應劭曰慮音閭師古曰即所謂壁無閭按郡國志無慮縣時屬遼東屬國

九月又

攻夫犂營殺縣令

賢曰夫犂縣屬遼東屬國故城在今營州東南余按兩漢志遼東郡及遼

東屬國皆無夫犂縣今言殺縣令則嘗為縣矣未知賢所據者何書也

壬午晦日有食之

尹就擊羌黨呂叔都等蜀人陳省羅橫應募刺殺叔

都

刺七亦翻

皆封侯賜錢詔屯騎校尉班雄屯三輔雄超之

子也以左馮翊司馬鈞行征西將軍督關中諸郡兵八

千餘人龐參將羌胡兵七千餘人與鈞分道並擊零昌

參兵至勇士東

賢曰勇士縣屬天水郡余按天水時已改為漢陽郡

為杜季貢所

敗引退

敗補邁翻

鈞等獨進攻拔丁奚城杜季貢率眾偽逃

鈞令右扶風仲光等收羌禾稼

考異曰表紀作右扶風太守種嵩今從范者

光等違鈞節度散兵深入羌乃設伏要擊之

要一
通翻鈞在

城中怒而不救冬十月乙未光等兵敗並沒死者三千

餘人鈞乃遁還龐參既失期稱病引還皆坐徵下獄

下
退

翻鈞自殺時度遼將軍梁慄亦坐事抵罪校書郎中扶

風馬融

融以郎中校蘭臺書故稱校書郎中

上書稱參慄智能宜宥過責

效詔赦參等

考異曰慄傳曰慄為度遼將軍明年安定北地上郡皆被羌寇不能自立詔慄發

遼兵迎三郡吏民徙扶風界慄即遣南單于兄子優孤塗奴將兵迎之既還慄以塗奴按其家屬有勞輒授以

羌侯印綬坐專擅徵下獄抵罪明年校書郎馬融上書
訟愼與參按愼為度遼將軍在永初四年徙三郡民在
五年參下獄在今年不得以馬賢代參領護羌校尉復
云明年融訟之也疑傳誤

以任尚為中郎將代班雄屯三輔

考異曰帝紀冬十月遣任尚屯三輔按

西羌傳司馬鈞抵罪後尚乃代雄屯三輔耳復扶又翻

懷令虞詡說尚曰

說輸為翻

兵法弱不攻彊走不逐飛自然之執也今虜皆馬騎日
行數百里來如風雨去如絕絃以步追之執不相及所
以雖屯兵二十餘萬曠日而無功也為使君計莫如罷
諸郡兵各令出錢數千二十人共市一馬以萬騎之衆

逐數千之虜追尾掩截

賢曰尾猶尋也予謂尾者隨其後而擊之也掩襲也截邀也

其道自窮

言虜之路自窮不能掇出而寇掠也

便民利事大功立矣尚即

上言用其計遣輕騎擊杜季貢於丁奚城破之太后聞

虞詡有將帥之畧以為武都太守

考異曰詡傳曰羌寇武都太后以詡有

將帥之畧遷武都太守又曰賊敗散南入益州本紀元初元年羌寇武都漢中據此似詡以元初元年為武都太守也然按西羌傳龐參抵罪後任尚屯三輔時詡猶為懷令說尚用騎兵素紀亦云懷令虞詡說尚如范書所言又云上問何從發此計尚表之受於懷令虞詡由是知名遷武都太守以此驗之當在龐參抵罪後也

羌衆數千遮詡於陳倉峭谷

此峭谷當在陳倉縣界即今之大散關非宏農澠池

縣之嶠山也

詡即停軍不進而宣言上書請兵須到當發羌

聞之乃分鈔傍縣

鈔楚交翻

詡因其兵散日夜進道兼行百

餘里令吏士各作兩竈日增倍之羌不敢逼或問曰孫

臚減竈而君增之

減竈事見二卷周顯王二十八年臚頻恐翻

兵法日行不

過三十里以戒不虞

前書吉行五十里師行三十里

而今日且二百里

何也詡曰虜衆多吾兵少徐行則易為所及

易以鼓翻

速進

則彼所不測虜見吾竈日增必謂郡兵來迎衆多行速必

憚追我孫臚見弱

見賢遍翻

吾今示彊執有不同故也既到

郡兵不滿三千而羌衆萬餘攻圍赤亭數十日

賢曰赤亭故城

在今渭州襄武縣東南有赤亭水予按唐渭州漢隴西郡地漢武都唐階成州地此自是武都之赤亭非渭州之赤亭也又按郡國志武都下辨縣有赤亭即此

詡乃令軍中彊弩勿發而潛

發小弩羌以為矢力弱不能至并兵急攻詡于是使二

十彊弩共射一人發無不中

射而亦翻中竹仲翻

羌大震退詡因

出城奮擊多所傷殺明日悉陳其兵衆令從東郭門出

北郭門入貿易衣服回轉數周羌不知其數更相恐動

貿音茂更工衛翻

詡計賊當退乃潛遣五百餘人於淺水設伏

候其走路

訓知賊退遇水必踰淺而度因於其處設伏以待之

虜果大奔因掩擊

大破之斬獲甚衆賊由是走散訓乃占相地執

相息亮翻

築

營壁百八十所招還流亡假賑貧民開通水運

訓案行川谷自

沮至下辨數十里燒石剪水開漕船道

訓始到郡穀石千鹽石八千見戶

萬三千

見存之戶也見賢通翻

視事三年米石八十鹽石四百民

增至四萬餘戶人足家給一郡遂安十一月庚申郡

國十地震十二月武陵澧中蠻反

澧中今澧州地澧音禮

州郡

討平之己酉司徒夏勤罷

夏戶雅翻

庚戌以司空劉曄

為司徒光祿勳袁敞為司空敞安之子也 前虎賁中

郎將鄧宏卒

宏自遭母喪去官奉朝請故曰前

宏性儉素治歐陽尚書

漢千乘歐陽生傳伏生尚書由是尚書有歐陽氏學治直之翻

授帝禁中有司奏贈宏

驃騎將軍位特進封西平侯

西平縣屬汝南郡

太后追宏雅意

不加贈位衣服但賜錢千萬布萬匹兄隲等復辭不受

復扶又翻下同

詔封宏子廣德為西平侯將葬有司復奏發五

營輕車騎士禮儀如霍光故事

賢曰霍光薨宣帝遣太中大夫侍御史持節護

喪事中二千石修莫府家上賜玉衣梓宮使房黃腸題奏輜輶車黃屋左纛輕車材官五校士以送葬也太

后皆不聽但白蓋雙騎門生輓送

賢曰白蓋車也輓音晚騎奇寄翻

後

以帝師之重分西平之都鄉封廣德弟甫德為都鄉侯

資治通鑑卷四十九